

ЫНТЫМАҚТАСТЫҚ ТУРАЛЫ МЕМОРАНДУМ

Түркістан қ.

№ 26/76

« 10 » сәуір 2026 ж.

Қазақстан Республикасы Мәдениет және ақпарат министрлігі Мәдениет комитетінің «Әзірет Сұлтан» Ұлттық тарихи-мәдени музей-қорығы» Республикалық мемлекеттік коммуналдық кәсіпорны (бұдан әрі Музей-қорық) атынан, Жарғы негізінде әрекет ететін директордың міндетін уақытша атқарушы Дукенбаев Нурлан Мусағалиевич, бір тараптан, және «Халықаралық туризм және меймандостық университеті» КЕАҚ атынан, Жарғы негізінде әрекет ететін Басқарма төрағасы – Ректор міндетін атқарушы Мырзаев Бекежан Қожабекович, екінші тараптан, бұдан әрі бірлесіп «Тараптар» деп аталатын, төмендегілер туралы осы Ынтымақтастық туралы меморандумды жасасты:

1. Жалпы ережелер

1.1. Тараптар екі жақты ынтымақтастықты нығайтудың маңыздылығын мойындай отырып, өзара іс-қимылды тең құқықтылық, өзара тиімділік және Қазақстан Республикасы заңнамасын сақтау қағидаттары негізінде жүзеге асыруға келісті.

1.2. Музей-қорық білім алушыларының дуалды оқыту, өндірістік және оқу практикасының базасы болып табылады және оларды ұйымдастыру үшін жекелеген келісімдер жасалады.

1.3. Осы Меморандум Тараптарға қаржылық міндеттемелер жүктемейді. Өзара іс-қимылдың нақты шарттары жекелеген келісімдермен реттеледі.

2. Ынтымақтастықтың мақсаты мен бағыттары

2.1. Осы Меморандумның мақсаты – ғылыми, мәдени, білім беру және туризм саласындағы байланыстарды нығайту, сондай-ақ мәдениет, ғылым және білім беру мекемелері арасындағы өзара іс-қимылды кеңейту болып табылады.

2.2. 2.1-тармақта көрсетілген ынтымақтастық шеңберінде Тараптар төмендегі бағыттар бойынша өзара әрекеттесуді көздейді;

2.2.1. Ғылыми, әдістемелік және ақпараттық базамен алмасу;

2.2.2. Конференциялар, семинарлар, дәрістер, дөңгелек үстелдер сияқты бірлескен ғылыми іс-шараларды өткізу;

2.2.3. Тарих, мәдениет және рухани мұра саласындағы бірлескен ғылыми-зерттеу жобаларын іске асыру;

2.2.4. Бірлескен көрмелік, білім беру және ағартушылық бағдарламаларды жүзеге асыру;

2.2.5. Мамандармен, зерттеушілермен және сарапшылармен алмасу;

2.2.6. Электрондық кітапханалардың толық мәтінді дерекқорларына қолжетімділік беру;

2.2.7. Кітапхана ісі, архивтік және қолжазба қорлары, цифрландыру және дереккөздерді сақтау салаларындағы ынтымақтастық;

2.2.8. Туризмді дамыту саласында іс-қимылды үйлестіру;

2.2.9. Туристік қызмет көрсету сапасын жақсартуға бағытталған туристік іс-шараларға қатысу;

2.2.10. Туризм, музей ісі және білім беру саласында мамандардың біліктілігін арттыру;

2.2.11. Ақпарат пен ресурстарды дұрыс алмасу үшін қажетті техникалық және бағдарламалық қамтамасыз ету шарттарын қамтамасыз ету;

2.2.12. Қазақстан Республикасының қолданыстағы заңнамасына және Тараптардың ішкі нормативтік құжаттарына сәйкес өзара қызметтер көрсету.

3. Тараптардың міндеттері

3.3.1. Осы Меморандум шеңберінде жоспарланған іс-шараларды бірлесіп үйлестіру;

3.3.2. Алынған ақпараттың құпиялылығын сақтау;

3.3.3. Бірлескен жобалар мен іс-шараларды жүзеге асыру барысында өзара қолдау көрсету;

3.3.4. Ынтымақтастықтың тиімділігін арттыру мақсатында тұрақты байланыс орнату.

4. Өзара іс-қимыл нысандары

4.1. Тараптар жекелеген келісімдермен айқындалатын шарттарда бірлескен жобалар мен бағдарламаларды әзірлей алады, сондай-ақ оларды іске асыру үшін үшінші тұлғаларды тарта алады.

4.2. Бірлескен қызметті үйлестіру мақсатында Тараптар осы Меморандумда көзделген бағыттар бойынша өзара іс-қимылға жауапты уәкілетті өкілдерді тағайындайды.

4.3. Тараптар жекелеген жобалар мен іс-шараларды іске асыру үшін уақытша жұмыс топтарын құра алады.

5. Дауларды шешу тәртібі

5.1. Осы Меморандум ережелерін орындау барысында туындайтын барлық даулар мен келіспеушіліктер Тараптар арасындағы консультациялар мен келіссөздер арқылы шешіледі.

6. Ынтымақтастықтың қолданылу мерзімі және тоқтатылуы

6.1. Осы Меморандум Тараптар қол қойған күннен бастап күшіне енеді және мерзімсіз қолданылады. Меморандумның ережелері Тараптардың өзара келісімі бойынша өзгертілуі немесе толықтырылуы мүмкін.

6.2. Меморандум кез келген Тараптың бастамасы бойынша екінші Тарапқа оның бұзылуы болжанатын күннен кемінде бір ай бұрын жазбаша хабарлама жіберу арқылы бұзылуы мүмкін.

7. Өзге ережелер

7.1. Осы Меморандум алдын ала шарт болып табылмайды және қаржылық міндеттемелерге әкеп соқпайды.

7.2. Осы Меморандум екі данада, қазақ тілінде жасалды.

8. Тараптардың қолдары

Қазақстан Республикасы Мәдениет және ақпарат министрлігі Мәдениет комитетінің «Әзірет Сұлтан» Ұлттық тарихи-мәдени музей-қорығы» Республикалық мемлекеттік коммуналдық кәсіпорны
Заңды мекенжайы: Қазақстан Республикасы, Түркістан облысы, Түркістан қ., Өмір Темір көшесі, 53А

Директордың міндетін уақытша атқарушы

И.М. Дукенбасв



«Халықаралық туризм және меймаңдстық университеті» Коммерциялық емес акционерлік қоғамы

Заңды және пошталық мекенжай / Қазақстан Республикасы, Түркістан қ., Рабиға Сұлтан Бегім көшесі, 14А

Басқарма төрағасы – Ректор м.а.

Б. К. Мырзасв

